

VÁIDALANČUJUHUS LAPPI GUOVLOHÁLDDAHUSVIRGEDOAIMMAHAGA MEARRÁDUSSII (almmolašdiehtunaddin)

Váidalanvirgeopmahaš Dán mearrádussii duhtameahttun oažžu ohat nuppástusa váidalemiin Davvi -Suoma hálldahusriektái čálalaš váidalusain.

Váidalanáigi Váidalusa galgá doaimmahit **30 beaivve siste** guovlohálddahusvirgedoaimmahaga mearrádusa diehtunoažžunbeaivvis. Go váidalanáigi rehkenasto, diehtunoažžunbeaivi ii rehkenasto fárrui. Váidalus galgá joavdat virgeáigge mañimustá váidalanáigge mañimuš beaivve. Juos váidalanáigge mañimuš beaivi lea bassi, iehčanavuodabeaivi, válborgebeaivi, juovla- dahje mihamárruohtta dahje árgalávvardat, oažžu váidalusa doaimmahit vuosttas árgabeaivve dan mañjá.

Dát mearrádus addojuvvo diehtun almmolašdiehtunaddimin. Almmolašdiehtunaddimis mearrádus dollojuvvo dihto áigge vuostávaldi várás oaidnin láhkai guovlohálddahusvirgedoaimmahagas. Dán mearrádusa oaidnin láhkai ásaheamis almmuhuvvo almmolaš diehtofierpmis guovlohálddahusvirgedoaimmahaga neahttasiidduin čujuhusas <http://www.avi.fi/web/avi/yleistiedoksiannot> Almmuhusas máinnašuvvo áigemeari, goas dat lea olggosaddon virgeopmahačča neahttasiidduin. Dán mearrádusa diehtunoažžun gehččo leat dáhpáhuvván čihččet beaivve namuhuvvon almmustahttináigemearis.

Mávssut, mat berrojuvvojit váidalusa gieđahallamis

Váidalusa gieđahallamis hálldahusrievttis berrojuvvon mávssuin ásaheamis duopmostuollomáksolágas (1455/2015). Riektegeavvanmáksu váidalusa gieđahallamis lea 260 euro. Máksu ii goittotge berrojuvvo, juos ášši ávnnaslaš gažaldagat oassáige čovddeckeahhtá máhcahuvvojit guovlohálddahusvirgedoaimmahaga gieđahallamii dahje sirdojit doaibmaválddalaš virgeopmahažžii. Máksu ii maiddá berrojuvvo priváhtaolbmo johtui bidjan sosiálafuolahuslágas (1301/2014) dahje dearvasvuodafuolahuslágas (1326/2010) dárkkuhuvvon bálvalusa dahje ovddu guoski áššis (omd. bázahallanolbmuid sierrafuolahusa guoski áššit), almmolaš válggaid guoski áššis, iige njoammudávdalága (1227/2016), jugešvuodafuolahuslága (41/1986), mielladearvasvuodálága (1116/1990), válmmašvuodálága (1552/2011) dahje bealuštandillelága (1083/1991) mielddasaš áššis. Muđui mávssuvuloš áššis máksu ii berrojuvvo riekteveahkkelága vuodul gieđahallanmávssuin friijadahtton olbmui, iige eará sajis lágas virgeopmahačča doaibmabijuin berron mávssuin friijadahtton olbmui. Muđui mávssuvuloš áššis máksu ii maiddá berrojuvvo, juos hálldahusriekti rievddada váidalusvuloš mearrádusa nuppástusohcci ovdun. Juos mávssu bearran livčče čielgasit govttoheapme, virgeopmahaš dahje mávssu mearrideaddji virgeolmmoš sáhtta ovttaskasdáhpáhusas mearridit, ahte máksu ii berrojuvvo muđui mávssuvuloš áššis. Stáhta ja gieldda virgeopmahaččat leat friijadahtton mávssu, go dikšot lágas ásaheamis gohcinbarggu.

Váidalusa doaimmaheapmi

Váidalusa galgá doaimmahit váidalanáiggi siste Davvi – Suoma hálldahusrievtti girjenkantuvrii. Iežas ovddasvástádusain váidalanáššebáhpáriid sáhtta sáddet poastta fárus, telekopijian, šleđgapoasttain dahje sáttatalmá bokte. Postii váidalanáššebáhpáriid galgá guoddit nu áiggil, ahte dat jovdet váidalanáigge mañimuš beaivve ovdal virgedoaimmahaga rabasáigge nohkama.

Telekopijian dahje šleđgapoastan sádden dáhpáhuvvá sáddejeaddji ovddasvástádusain, ja váidalusa galgá sáddet ovdal váidalanáigge nohkama nu, ahte váidalus lea hálldahusrievtti anus vuostáiváldinreaidus dahje diehtovuogádagas. Váidalus gehččo leat bohtán juos hálldahusriekti bastá teknihkalaččat gieđahallat áššebáhpára.

Elektrovnnalaš áššebábir, man sáddejeaddjis ii oáččo čielgasa ja man sisdoalu ii muđuiđe sáhte rahpat, ii gehččojuvvo leat boahtán. Juos virgeoapmahačča geavahan elektrovnnalaš vuogádat lea eahpeortnegis dahje eret anus dahje čilgehusa áššebáhpára boahtináigemearis ii eará vástideaddji sivas sáhte oázžut, elektrovnnalaš áššebáhpára boahtináigemearrin meroštallo áššebáhpára sáddenáigemearri. Sáddenáigemeari meroštallan boahtináigemearrin eaktuda, ahte sáddenáigemearis ovdanbukto luohtehahtti čilgehus.

Váidalusa sáhtta bargat maiddái hálldahus- ja sierraduopmostuoluid áššiiddikšunbálvalusas čujuhusas <https://asiointi2.oikeus.fi/hallintotuomioistuimet>

Olmmoš, guhte lea giddejuvvon lágádusas, sáhtta addit váidalusa váidalanáiđe siste maiddái dan olbmui, guhte lea mearriduvvon dán barggu lágádusas dikšut, dahje lágádusa hovdii.

Váidalusa sisdoallu

Váidalusas galgá almmuhit

- váidaleaddji nama ja oktavuodadieđuid; juos hállanválddi geavaha váidaleaddji lágalaš ovddasteaddji dahje áššeolmmoš, maiddái su oktavuodadieđuid galgá almmuhit
- dan poastačujuhusa ja vejolaš eará čujuhusa, gosa áššebáhpáriid, mat laktásit riektegeavvamii, sáhtta sáddet (*proseassačujuhus*)
- poastačujuhusa ja telefonnummira, gosa ášši gieđahallama guoski almmuhusaid váidaleaddjái sáhtta doaimmahit
- mearrádusa, masa ohcco nuppástus (*mearrádus, mii lea váidalusvuložin*)
- maid osiin mearrádussii ohccojuvvo nuppástus ja mat nuppástusat dasa gáibiduvvojit dahkkot (*gáibádusat*)
- gáibádusat vuodustusat
- masa váidalanvuogatuohhta vuodđuduvvá, juos mearrádus, mii lea váidalanvuloš, ii čuoza váidaleaddjái

Váidaleaddji ja su vejolaš lágalaš ovddasteaddji dahje áššeolbmo oktavuodadieđuid nuppástusain galgá almmuhit farggamusat hálldahusriektái váidalusa jođus orodettiin.

Njulgengáibádusa ráhkadeaddji oázžu, go váidala njulgengáibádusmearrádusas, ovdanbuktit gáibádusaide ođđa vuodustusaid. Son oázžu ovdanbuktit ođđa gáibádusa dušše, juos dat vuodđuduvvá diliid rievdamii dahje njulgengáibádusa dahkama mearreáiđe nohkama maŋŋá váidaleaddji dihtui boahtán áššái.

Váidalanreivve mildosat

Váidalanreivvi galgá laktit

- guovlohálldahusvirgedoaimmahaga mearrádusa, mii lea váidalanvuložin, oktan váidalančujuhusain originálan dahje kopijian
- čilgehusa das, goas váidaleaddji lea ožžon mearrádusa diehtun, dahje eará čilgehusa váidalanáiđe álgima áigemearis
- áššebáhpáriid, maidda váidaleaddji doarjala gáibádusa doarjjan, juos dat eai leat juo ovdal doaimmahuvvon virgeoapmahažžii.

Áššeolmmoš galgá ovdanbuktit váldegirjji.

Juos hálldahusduopmostuollu ii nuppe láchkai mearrit, váldegirjji ii goittotge dárbbas ovdanbuktit, juos:

- 1) oaiveolmmái lea addán fápmudusa njálmmálaččat duopmostuolus;
- 2) áššeolmmoš lea doaibman áššeolmmožin ášši ovddit gieđahallanmutter hálldahusmeannudeamis dahje duopmostuolus;
- 3) váldegirjjálaš olmmoš lea ášševuoddji, almmolaš vuogatuodaveahkki dahje lobi ožžon diggevehkiin addojuvvon lágas dárkkuhuvvon lobi ožžon diggevehkki.

Juos hálldahusriektái doaimmahuvvon elektrovnnalaš váidalanáššebáhpáris lea čilgehus áššeolbmo doaibmaválldis, áššeolmmoš ii dárbbas doaimmahit váldegirjji.

Hálddahasriekti sáhtta goittotge mearridit váldegirjji doaimmaheami, juos sus lea sivva eahpidit áššeolbmo doaibmaválldi dahje dan viidodaga.

Davvi – Suoma hálddahasrievtti oktavuodadieđut

Poastačujuhus: PL 189, 90101 Oulu

Uksačujuhus: Isokatu 4, 3. krs, Oulu

Telefon: 029 56 42800

Telekopiija: 029 56 42841

Šleatgapoasta: pohjois-suomi.hao@oikeus.fi